



**Quæstionum Canonicarum, In Quinque Libros
Decretalium, Tomus ...**

In Lib. III. Decretalium. In quo agitur De Rebus, quae in judicium devenire solent, cujusmodi sunt, de vita et moribus Clericorum, ...

Schlüter, Georg

Augustæ Vindelicorum, 1708

§. 4. De beneficiis collativis, electivis, & patronatis.

[urn:nbn:de:hbz:466:1-73045](#)

censeatur *beneficium* communiter acceptum (juxta n. 152.) dicendum sit *manuale*, vel non manuale? *Et* cùm in communiore, ac propria acceptione *beneficii*, hujus appellatione veniat solum intelligendum, quod & *in se* perpetuum est, & *in beneficiato* perpetuatur, ut dictum est n. 152. & tradit Sanchez l. 7. Decolog. c. 29. n. 106. & habetur in c. *Sanctorum*, dist. 70. c. *si gratiōē* de Rescript, in 6. & ob id, quæ hoc non habent, non cadant sub regulam Cancelariae de reservatione, sed nec sufficient pro titulo mensæ ad Ordines recipiebant, ut diximus, hinc fit, nec pensionem Ecclesiasticam (quia cum Pensionario extinguitur) nec Vicariam Episcopi, vel Parochi (quia nec de se perpetua est, nec confertur institutione) nec illud demum beneficium Ecclesiasticum communiter acceptum; qui in beneficiato tali non perpetuatur.

§. 4.

De beneficiis collativis, electivis, & patronatis.

243 *B*eneficium *collativum* est, quod ab solutâ, & liberâ voluntate Superioris confertur, & ideo etiam vocari solet *beneficium liberum*, circa quod notandum. *1.* Si qui sic eligerent, ut illorum electio simul esset *collatio*, tale beneficium potius dici *collativum* juxta Garciam p. 1. de *benefic.* c. 6. n. 14. & in dubio nunquam præsumi electivum, vel mixtum quia illud est qualitas beneficii non propria, sed extrinseca, & provisioni Episcoporum liberae derogat.

244 *N*ot. *2.* Per collationem beneficii, nondum acceptatam, Collatario dari jus *ad beneficium*, seu jus *ad rem*, ex c. *si tibi absenti* 17. de *probend.* in 6. Nam factâ semel collatione, Collator de jure retrocedere non potest, sed exspectare debet acceptationem Collatarii infra terminum ad consentiendum præfixum; sic enim cit. c. loquitur Bonifacius VIII. *Si tibi absenti*, per tuum Episcopum conferatur beneficium, licet per collationem hujusmodi (donec eam ratam habueris) jus

in ipso beneficio (ut tuum dici valeat) non acquiras: *Ipse tamen Episcopus vel quisunque alius, de ipso beneficio* (nisi consentire recuses) *in personam alterius ordinare nequibit.* *Quod, si ficerit, ejus ordinatio facta de beneficio non libero, viribus non subsistet.* Sed si Episcopus (notificata tibi collatione) ad consentiendum terminum competentem assignet, *nisi consenseris*, poterit eo lapsu beneficium liberè (cui viderit expedire) conferre. Antequam tamen ipsum contulerit, tuum poteris (non obstante, quod lapsus sit terminus) præstare consensum, & ex tunc ipso non poterit aliter ordinari.

Ex hoc textu sequitur præterea, per 245 collationem absolute factam, & acceptatam, in beneficio acquiri jus *in re*, seu reale, sic, ut Collatarius illud *suum esse*, dicere jure possit, etiam ante adeptam possessionem, cùm textus id neget solum, antequam Collatarius collationem ratam habeat; sic Rebiffus in *Regul. de non tollendo jure quasito*, gloss. 6. n. 38. Sequitur in Spiritualibus, ex solo titulo (ut collatione beneficii acceptatâ) etiam ante traditionem, dominium transferri, sic Barbos. in cit. c. 17. n. 38. & quoniam Collatarius, post collationem beneficii acceptatam, hahet jus *in re*, cum titulo beneficii, propriâ authoritate poterit vacarem eius possessionem apprehendere, sine alio Superioris, vel Judicis Decreto, quia, non tam suâ, quam conferentis auctoritate, hoc facit; *nisi investitura ad alium*, sive ex consuetudine, vel secundum Canones spectet.

Dices: Collatio beneficii censetur 246 donatio, c. *Consultationibus*. *4.* De donationibus, ibi: *donations vero, vel Concessiones Ecclesiistarum &c.* Sed donatio, absenti facta, ante acceptationem, non sortitur effectum, & revocari potest, ex L. *absenti*. *Si quis ff. de donationibus, & L. Qui absenti, ff. de acquirend. possessione;* ergo etiam collatio beneficii. *ix. cum distinctione:* Collatio beneficii est donatio *ex parte donatarie*, seu Collatarii. *C. est simpliciter donatio, tam ex parte Collatarii, quam Conferentis, N. ma. dist. min.* Sed donatio *simpliciter*, ante

ram, cujuscunque status ille sit, quod verum puto, si electus in Episcopum adhuc maneat substantialiter Religiosus, non, hanc præxim elegendi Religiosos Mendicantes servandam esse, cùm eliguntur ad Prælaturas extra propriam religionem, pat. ex c. quorundam, ibi ad aliquam, extra administrationem sui Ordinis Prælaturam, quæ clausula non habetur, quando in textu sermo est de electione non Mendicantium, sed solum dicitur: *ad prelatones quaslibet de se factis*, & ideo forma eligendi prescripta in c. quorundam pro electione non Mendicantium, servanda est, sive ad Prælaturas extra, sive intra suum ordinem facienda sit; cùm haec plus dignitatis, & communiter opes mundanas annexas habeant, quibus carent Prælature Mendicantium, ita Sanchez cit. n. 29, probabile tamen est, posse, ac debere intelligi de electione ad Prælaturas solum extra Ordinem. Nam licet dicatur: *ad Prelatones quaslibet de factis*, intelligitur tamen de his, de quibus sermo est in prooemio dictæ constitutionis, at ibi sermo est de illis Prælaturis, quarum acquisitione contingeret, illos immetatores sua professionis, prætendere honores, divitias, & delicias, quæ per religionis ingressum speraverunt. Deinde textus loquitur de Prælaturis, exigentibus in electo, ante consensum licentiam sui Superioris regularis, hæc autem ad Prælaturas proprii Ordinis non requiritur; Sic Caietopalus cit. n. 7. Nec obstat, quod in c. quorundam, quando agitur de electione non Mendicantium, dicatur: *vocationibus à minori parte numeri*; ex quo aliqui arguunt, ergo sufficit eos vocari à parte dimidia, seu medietate electorum; ergo non requiritur major eorum pars. Nam et. cum Caietopal. cit. n. 2. illius verbis hoc ipso tacite insinuari, quod fieri debeat à majori parte, juxta c. quia propter, quod non esset electio Canonica: Cæterum ad vertendum, dictum Capitulum non extendi ad electionem beneficium curatorum, jurisdictione carentium; Sanchez cit. n. 56. quia solum loquitur de Prælaturis; Parochi autem non sunt Prælati, cùm inter hos, & Parochos distinguat ipsum jus in Clem. dudum V. ab olim, de sepultur: *decimò cùm c. quorundam solum*

agit de electione Mendicantium, videri à contrario sensu, Mendicantes posse eligi, sive postulari ad aliquam dignitatem extra suum Ordinem, si electio, postulatio, provisio fiat in concordia, sed hodie etiam hoc prohibitum est per Extray. Joan. 22. quæ incipit, *Calumniis*, (quam tamen in corpore Juris Canonici non reperio) testatur Francus n. 2. Undecim, electionem tunc censeri factam in discordia, juxta Gloss. in dict. c. quorundam, sive duæ, sive plures celebratae sint electiones, sive una tantum, quando facta est alia contradictionibus. Præter hæc observandum, in beneficiis electivis tantum, necessariam esse confirmationem electo, faciendam à superiore, qui, si electus idoneus est, cum sine injurya electi, & eligentium rejicere non potest, sed confirmare tenetur, quaravis in quibusdam locis (ut notat Suarez tom. 4. de Relig. l. 2. c. 5.) usum receptum sit, ut Prælati Ecclesiastici, & Regulares, à Capitulo electi, quamprimum electionem acceptant, omne jus consequatur, nullà Superioris exspectata confirmatione. Cœterum, quando Ecclesia pluribus subjecta est, ad proximum Superiorum confirmatione spectat; Abbates igitur, & Præpositi, non excepti, ab Episcopo confirmandi sunt, electus intra tres Menses, quorum initium sit à die acceptationis, seu consensus, confirmationem petere debet, alias electio irrita censebitur. Sed de his V. l. 1. tit. 6.

Beneficium *Patronatum* dicitur, 254 quod est de Jure Patronatus, hoc est, quod à Superiori legitimo confertur, non ex libitu, sed nominante, præsentante, vel designante Patrono. Sicut autem electus, *confirmari*, sic præsentatus, *institui* debet, ut ille in beneficio electivo, iste, *in patronato*, jus obtineat. Aliqui beneficium patronatum, vocant mixtum; quod conferatur Patrono præsentante, vel nominante, & fiat Superioris *institutione*, seu, quod ab Ordinario provideatur non liberè, sed ad præsentationem Patroni, vel alterius existentis in quasi possessione juris præsentandi. Beneficium patronatum aliud est de Jure Patronatus Ecclesiastici, aliud de Jure Patronatus Laici, aliud de Jure Patronatus mixti. Jus Patronatus Ecclesiasticum est, quod competit alicui Collegio

Ecclesiastico, Capitulo, vel Clerico, ratione Ecclesiae, aut quia beneficium tale fundatum, vel dotatum est de bonis Ecclesiae, aut quia illi Ecclesia à Laico donatur; ita Vivianus de *Jure Patron.* l. 1. c. 1. n. 144. Jus Patronatus laicale est, quod competit Laico, ex fundatione, constructione, seu dotatione Ecclesiae cum consensu dioecesani: Jus Patronatus mixtum est, quod ex Patronis Ecclesiasticis & Laicis coalescit, sic Castropalaus tr. 13. D. 2. p. 2. n. 2. ex quo colliges, ad dijudicandum, quales sit Jus Patronatus? non esse considerandum, quis possidat? sed, quo titulo? sed de his ex professo agimus infra tit. 38. de *Jure Patronatus.*

§. 5.

De Præstimonio, Praeceptoris, Assisis,
seu *Mansionariis & Portionariis.*

255 **Q**uamvis *Præstimonium*, absolute locando, sit portio ex beneficiorum proventibus detracta in perpetuum (quo distinguitur à pensionibus; nam hæ sunt vitalitæ, seu concessæ ad tempus) ex fine tamen, in quem ordinatur, distinctionem subit. Nam *Præstimonium* aliud institutum est tanquam merces, & procernum, ut conferatur studentibus, aut militibus pro defensione Ecclesiae, absque alio spirituali onere: aliud, ut detur Clericis, cum onere recitandi officium divinum; sic Pereyra in *Elucidario* n. 1288. Si *Præstimonium* sumatur pro subsidio vitæ, dari solito de proventibus Ecclesiae Clericis, aut Canonicis in Ecclesiis Cathedralibus, habentibus dignitatem, nisi detur in *titulum*, beneficium non est, secus, si detur in *titulum*. Nam sic inter beneficia numeratur teste Azor p. 2. l. 3. c. 14. cit. q. 1. §. verumtamen in c. *quoniam de concess. præbenda* in 6. ubi addit, habentes *Præstimonium*, seu tale subsidium vitæ, eo titulo teneri ad horas, & sic *Præstimonium* numeratur inter beneficia simplicia, cum de se nullam habeat, qualitatem juris, de qua n. 259. & habentes ejusmodi *præstimonia*, quæ verè sint beneficia, ab onere & obligatione residendi, sunt immunes, ac liberri 1. quia sic usū & consuetudine est re-

ceptum, ut docet Abbas apud Azor *cit.* q. 3. Deinde, quia verum non est, omni beneficio, jure communi, esse impositum onus residendi. Nam c. *fin.* de Clericis non residentibus, & alibi passim, dici solet, beneficia *quædam* esse, quæ residentiam exigant; *quædam*, *qua non*, deinde esto, foret de jure communi, consuetudo tamen est contraria, sic Azor c. 9. q. 2.

Cum autem Concilium Tridentinum *Seff. 23. de reform.* c. 17. universali decreverit, ne *duo* beneficia, etiam simplicia uni Clerico conferantur, quando unum eorum ad vitam sufficit commode sustentandam, sequitur. 1. quantum est vi Tridentini, duo, aut plura beneficia *præstimonialia*, aut unum cum alio dissimili simul obtineri, etiam Episcopi autoritate, & indulgentiâ non posse in eadem Ecclesia. 2. nec in diversis Ecclesiis, si unum sufficiat ad vitam honestè sustentandam. Coeterum ad titulum *præstimonii*, quod dari solet in *titulum* Clericis, posse quem ad Sacros Ordines promoveri, docet cum aliis Barbos. in Trid. *Seff. 22. c. 2. n. 13.* & *Seff. 23. de reform.* c. 8. n. 26. sic enim illi provisum est de sustentatione ad dies vitæ.

Praeceptoria est Officium Praeceptoris 256 in Ordine religioso, pro quo notandum, in quibusdam Religiosorum Ordinibus (præsertim ad militandum, vel excipiendo hospitio peregrinos, vel curando ægrotos, aut sustentando egenos institutis) *administratores* domorum, prædiorum, annuorum redditum, vel quorumlibet bonorum, ad ipsum religiosum Ordinem pertinentium, *Praeceptores* vocari, qui sint votis obstricti, & regulam sui Ordinis profissi, & istorum administrationem seu Officium, *Praeceptoriam* dici, de qua, si quæras, an ejusmodi *præceptoria* sit beneficium Ecclesiasticum? affirmat Azor *cit. p. 2. l. 3. c. 26. q. 9.* cum redditus jure suæ institutionis Canonice, propter suum officium, percipiunt, de quibus arbitratu suo in honestos usus disponere possint, inò certam pensionem fructum, juxta præscriptum regulæ, impendant: & quidem, si talis *præceptoria* conferatur in *titulum*, erit beneficium, non *manuale*; si solum ad tempus,

H